

UNIVERZITET U TUZLI
Broj: 01-129-JN-17/21
Tuzla, 08.02.2022. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, Rješenja Ureda za razmatranje žalbi BiH, Filijala Mostar broj: JN2-03-07-1-11-10/22 od 27.01.2022. godine, a nakon razmatranja Zapisnika Komisije o pregledu i ocjeni ponuda nakon Rješenja Ureda za razmatranje žalbi Filijala Mostar broj: 01-129-JN-16/21 od 04.02.2022. godine, po punomoći Rektorice Univerziteta u Tuzli broj: 01-2593-1/20 od 11.06.2020. godine Direktor za ekonomske poslove, dana 08.02.2022. godine, donio je:

ODLUKU O DODJELI UGOVORA

I

U okončanom otvorenom postupku javne nabavke računarske opreme za potrebe realizacije projekta SUCCESS, izabran je ponuđač „INGEL“ d.o.o. Tuzla sa ponudnom cijenom u ukupnom iznosu od 55.670,00 KM bez PDV-a, odnosno 65.133,90 KM sa PDV-om, te se istom dodjeljuje ugovor o nabavci.

II

Ponuda ponuđača iz tačke I ove Odluke ocijenjena je kao najpovoljnija iz razloga što ispunjava sve uslove postavljene u tenderskoj dokumentaciji i što je po svim svojim elementima, uključujući i ponuđenu cijenu, prihvatljiva za Univerzitet.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH navedene u Tenderskoj dokumentaciji.

Obrazloženje

Univerzitet u Tuzli pokrenuo je postupak javne nabavke računarske opreme u cilju realizacije projekta „SUCCESS“, putem Otvorenog postupka javne nabavke broj: 01-129-JN-1/21 od 02.11.2021. godine, objavljeno na portalu javnih nabavki “E-nabavke” broj: 795-1-1-95-3-85/21 od 09.11.2021. godine, u Službenom glasniku BiH broj: 69/21 od 12.11.2021. godine, te web stranici Univerziteta. U ostavljenom roku ponude su dostavila dva ponuđača „Imel“ d.o.o. Lukavac i „Ingel“ d.o.o. Tuzla. Nakon evaluacija pristiglih ponuda Odlukom broj: 01-129-JN-9/21 od 13.12.2021. godine odabrana je ponuda ponuđača „Imel“ d.o.o. Lukavac. Na navedenu odluku ponuđač „Ingel“ d.o.o. Tuzla uložio je žalbu koja je Rješenjem Ureda za razmatranje žalbi BiH, filijala Mostar broj: JN2-03-07-1-11-10/22 od 27.01.2022. godine usvojena i poništena donesena Odluka o izboru najpovoljnijeg ponuđača.

Postupajući po konačnom aktu Rješenju od Ureda za žalbi BiH Komisija je izvršila ponovnu evaluaciju pristiglih ponuda i konstatovala slijedeće:

Ponuđač “Imel” d.o.o. Lukavac je dostavio dokaze zahtjevane tačkom 3.4. Tenderske dokumentacije ali ponuđeni Laptop pod takom 5. Obrasca za cijenu ponude ne zadovoljava minimalne tehničke karakteristike navedene u koloni 3., iz razloga što za ponuđeni model laptopa Dell Vostro 15 3500 nije naveden podatak da ima mogućnost proširenja na 32 GB

memorije ili više, niti je zahtjevani podatak naveden u priloženom katalogu na stranici 66. Ponuda ponuđača. Zbog navedenog Komisija je odbacila ponudu ponuđača "Imel" d.o.o. Lukavac kao neprihvatljivu.

Ponuda ponuđača "Ingel" d.o.o. Tuzla zadovoljava sve uslove postavljene Tenderskom dokumentacijom i tehnički je prihvatljiva.

Zbog svega navedenog ponuda ponuđača "Imel" d.o.o. Lukavac je prema uputama iz Rješenja od Ureda za razmatranje žalbi odbijena kao neprihvatljiva i u daljem toku postupka nije se poredila sa prihvatljivom ponudom drugog ponuđača.

Ponuda ponuđača „Ingel“ d.o.o. Tuzla zadovoljava sve postavljene uslove i ista je po svim svojim elementima, uključujući i ponudenu cijenu prihvatljiva za Univerzitet.

Zbog činjenice da je u postupku javne nabavke nakon konačnog akta Rješenja Ureda za razmatranje žalbi BiH samo ponuda jednog ponuđača prihvatljiva, to se „e-aukcija“ u skladu sa odredbom člana 3. stav (3) Pravilnika o uslovima i načinu korištenja e-aukcije nije provela.


Budući da ponuda ponuđača "Ingel" d.o.o. Tuzla u svemu zadovoljava zahtjeve Univerziteta u Tuzli predviđene tenderskom dokumentacijom i ima prihvatljivu ponudenu cijenu Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:
01-129-JN-16/21 od 04.02.2022. godine
Rješenje URŽ-a broj: JN2-03-07-1-11-10/22,
Od 27.01.2022. godine

DOSTAVITI:
1x učesnicima
1x a/a



DIREKTOR ZA
EKONOMSKE POSLOVE
Husein Matović
Husein Matović, dipl. oec.